

恩

餘

堂

輯

稿

恩餘堂輯稿卷第二

孫男邦疇編校

文

王君瓊圃家傳

君諱之寔字遠思吉安安福人其先世以忠節理學入明史列傳故吉安稱望族曰金田王氏十餘年前予主講白鷺洲書院飫聞人稱君云君性倜儻樂施予遇事直前無所避足跡徧秦楚燕趙閩粵滇黔間少年遇難婦爲盜刼爲經理寄居糧艘需其大至贈貲歸故里撫州某從君假千金賈溺於彭蠡以身免罄產得二百金償君立反之族人

某挾貲客黔爲僕殺詭以虎齧報旣成獄君走數
千里訟其寃令執前讞經兩年令罷代者始直君
置僕於法君扶族人匱以歸是時君年已七十矣
或曰君蓋慷慨任俠人也予曰不然負氣好義之
士握手瀝膽倉卒立高行爲人所不能爲以此負
重名於世而學問不足以精義血氣盛而中䟽名
高而多濶畧問其門內之行或反不足本之多華
者其本必瘁水旁濶數里非有源則涸矣以予所
聞君蓋篤行人也君少讀書學旣成貧不能奉母
棄而爲客又棄而賈所得橐中金歸則惟母指市

田宅分諸兄弟君年五十六而母卒兄弟蓋四析
產云郡有大官者其世父爲吏以產分其兄弟歿
而家落其子與兄弟之子訟而破其家江南諸生
父爲縣令歿家有田產曰父官所得也伯叔之子
曰未析簪也以是訟數年不決予爲學使者旁舉
前事論遣之未革心也嗚呼世之人如君者又多
乎哉

生母繆太夫人行述

嗚呼

不孝元琥

少罹鞠凶甫晬而喪我先宮贊公

上賴母氏之力以養以教至於成人

不孝元瑞

生

而出嗣襁褓離居弗克依膝下逮壯竊祿於

朝始獲迎養歲辛卯奉母之使署壬辰

元琬

備官

翰林南北各天望雲莫遂計吾母生

不孝

等以來

惟丙戌至庚寅五年間兩子侍側聚順承歡

兄元

璫

先以遊學旅卒江左嗚呼吾母竟未獲一日見

三子之養也今年首夏太夫人自南來

不孝兄弟

方謂從此可長申定省乃十有三旬遽棄

不孝等

而逝溫清日短孤露天終諱搶何從昏懵無識謹

於苦出之餘痛憶音容麤述懿徽著於篇太夫人

姓繆氏族出江南之江陰八歲隨外王父流寓金

陵轉徙都下去里時幼不知世系但記文貞公爲
高祖行云年十七歸先宮贊公爲側室事先繼母
顧太夫人甚恭仲兄知州贈道衡元璋方四歲顧
復無常母庶母祁氏卒所生適曹氏姊方齠鞠於
太夫人撫之不啻已育姊常曰吾無母而有母庚
子先宮贊公視學山右隨之官舍族倂姻朋多來
者食指恒千餘顧太夫人善病不欲綜理家政凡
綱紀日用下及米鹽零雜一秉太夫人割衣散飯
井井然家人咸帖帖無怨諄者自是持內政者數
十年太夫人旣歸後十年不娠乃勸先宮贊公納

庶母繆太孺人卽太夫人親妹也丙午太夫人生

兄

元璩

丁未繆太孺人生適甘氏姊嗣是間歲各

舉兄弟三人時季父年六十無子先官贊公素友

愛貽書鄉園謂弟膝前無可慰情造室今有任身

者產當以後弟己酉兄

元琳

生卽馳書告廟以嗣

季父不數月兄殤辛亥先官贊公致政歸里

不孝

元瑞

生太夫人以季父春秋高似續宜亟前爲後

者不終不能無悵悵復請以

不孝元瑞

嗣以慰季

父心以成先官贊公友愛之志甲寅

不孝元琬

生

不孝元瑞

四歲已離乳先官贊公居省城季父居

東壇鄉乃遣就所後父是後太夫人從不一往鄉
顧視人便賜果餌必戒勿語及所自出太夫人曰
兒幼見不能無憐愛吾非忍割欲其專心於所後
也

不孝元瑞

十餘歲方得見吾母蓋知大義如此

先宮贊公既歸南昌男女十餘人撫孤姪同居諸
兄咸授室生子太夫人善待諸姪內外無間言乙
卯先宮贊公捐館舍既服闋移居曲島鄉長兄仲
兄宦學京師太夫人延師教

不孝

等盡禮敬或講

讀至夜分輒具酒饌親持至中門授塾童癸亥顧

太夫人卒兩兄在外

不孝

等幼殯殮得如禮皆兩

母主持之丁卯長兄卒於官清宦無居屋太夫人
分宅治喪事孤姪良篤旣長出貲爲畢姻平居鍼
黠肴饍饋遺親族必潔每蒞衆蔬聶切爲齏貽衆
人曰此味雖淡薄耐久藏也待下極慈減獲不加
鞭朴在山西置一婢配僕生子六十餘老嫗矣臨
終時猶絮泣跼牀側也庚午不孝元瑞入縣學癸
酉舉於鄉甲戌不孝元琬入縣學丁丑不孝元瑞
成進士改翰林旋丁所後母譚太夫人憂辛巳服
除奉太夫人入都同鄉大鴻臚楊默堂有節母太
夫人敬之數相過從鴻臚五十未舉子太夫人爲

之禮佛百拜願鴻臚有子以報其母及生男太夫

人爲之名曰彭齡壬午兄

元璩

入國學乙酉

不孝

元璩

舉於鄉辛卯

不孝元瑞

奉

命典江南鄉試旋蒙

恩視學江蘇遣信迎太夫人壬辰四月舟抵維揚

不孝元璩

捷南宮報至太夫人喜甚曰吾嫁十年

不生子侍家主及女君從無戚戚見顏面不謂今

俱見其成立也

不孝元璩

入翰林

元瑞

具疏

奏謝云忝三館汗青之職重荷

殊恩慰七旬垂白之親益銘

鴻造下情皆紀實云既抵江陰性便鄉土康彊日進蓋太夫人離家六十有五年乃以迎養歸不啻歸寧也使署舊內堂曰燕喜頻年誕日具綵衣奉觴上壽僚屬賓客生徒羅拜堂下乃召工繪爲迎養圖且榜楹帖曰母福逮兒身八歲辭家七旬就養

君恩勵臣節九秋校士三載衡文太夫人至孝外王父相依終身怡愉色養奉繼母禮遇不替然在江陰三載從不言繆氏繆故大族生童數十人兩試更不問繆氏有人否嘗曰兒荷

隆眷持節當官不可以我故滋遺議迄歲事外人
不知學使者爲江陰繆氏所自出甲午十一月

孝元瑞

受替回都以河凍留婦子侍太夫人春融

舟行北上拜別旅館仰瞻慈容安善私心竊喜今
年二月

召見

勤政殿荷

垂詢母氏

奏以北來將到且陳兄弟蒙

恩老母感喜之微忱

天語連稱汝母有福嗚呼

不孝

等奉職無狀無以

報塞

優遇顯揚老親罪重釁深上累所生胡至於斯極

也太夫人夙健六十後尙不自暇持重服勞冬令

猶親澣濯輟指不止

不孝

等跼勸以幸有婢妾無

勞高年令兒輩不安輒不聽曰我性如此已丑以

足疾艱起立日坐牀前然精神炯炯如壯時今春

微患喘逆六月中旬忽暴下數日日數十次醫以

火衰不能運穀服葭附數劑雖愈而元氣已虧眠

食猶無所苦八月念八日晚食忽不進甲夜將寢

猶誠姬婢謹門戶二十九日子時頓驚寤氣逆痰湧不孝等急起視卽不能語奄忽至丑時遂瞑嗚呼痛哉太夫人生於康熙三十九年十一月初十日申時享壽七十有六

贈封太淑人例

贈太夫人方太夫人未卒前數十日連舉兩雛太夫人色喜謂我老又見一輩人中秋夕忽語侍婢夢楊氏婦來迎蓋長嫗爲素所鍾愛者侍婢又言連夕聞太夫人寤中哭呼母聲嗚呼噩夢遽兆亦以見太夫人慈孝感通如此不孝等倚室沈迷語

思復堂車箱
卷二
無倫次謹就所記憶濡泣質言仰干當世有道而
能文者錫之銘誄以闡慈德以光重泉
不孝等無
任哀感謹述

光祿大夫太子太傅兵部尙書海山周文
恭公墓誌銘

乾隆四十九年九月左都御史周公以末疾請解
職得

旨慰留加攝越三月再請

諭俟千叟宴禮成明年正月六日盛典屆期公疾
不克入

加賚賦詩如預宴例翌日以太子少傅兵部尙書
予告有小心勤慎之

褒春寒未果行十四日

上行祈穀禮三月二日

躬耕藉田公再掖拜於城闔

溫詢再三

親解賜佩囊四月朔公薨於京師邸第

諭嘉其老成端謹奉職克勤

晉贈太子太傅派散秩大臣奠醊

賜祭塋諡文恭某年月日塋於其鄉之某山首某

趾某小門生彭元瑞謹按狀誌墓公諱煌字景垣
號海山四川涪州人其先世 贈光祿大夫工部
尚書某曾祖考也康熙庚午科舉人 贈光祿大
夫工部尚書某祖考也康熙辛卯科舉人湖北巴
東縣知縣 贈光祿大夫工部尚書某考也其歷
官由乾隆丙辰科舉人丁巳科二甲進士翰林院
庶吉士編修右春坊右中允入直 上書房左春
坊左庶子翰林院侍講學士內閣學士兼禮部侍
郎刑部右侍郎兵部左侍郎工部尚書兵部尚書
上書房總師傅

賜紫禁城騎馬其司文衡三爲山東雲南福建鄉
試考官一爲會試總裁一爲順天鄉試同考官再
爲江西浙江提督學政其譔述有應制集海東集
豫章集湖海集蜀道吟海山存稿江右庠音選詩
林韶濩選而琉球國志畧

旨命武英殿板行者也其配曰文夫人 贈一品
夫人繼方夫人 封一品夫人今皆合塋其後嗣
日子七人翰林院編修宗岐翰林院編修興岱乾
隆癸卯科舉人興嶧興岷興岳宗華宗畝女一人
孫六人孫女六人公績學砥品泊於榮利翰林十

九年始晉一官卒受

特達之知授學青宮正位七卿公儀體偉岸聲
如洪鐘與人交無款曲耳語遇有不可面折無所
避退未嘗非毀人合於君子三變之容故望者或
以嚴毅難犯而天下之人咸知其坦懷摯誼孚信
有素以是益景附之世或謂直道難行非也公以
嚴氣正性踐平履坦終始一致嗚呼可謂正直大
臣矣銘曰

中山之封以榮海東鸞章麟服銜使惟公颺颺告
暴丹礁姑米忠信涉波務持大體明神昭昭

帝乃嘉愍以篤

簡在洊陟鉅任三讞於蜀持法允欽告諭父老宣播

德音在鄉言鄉汝毋引嫌

命衛閭里一德堂廉惟神所呵惟

帝所護正直是與千秋隧固

承德郎湖北施南府通判 贈榮祿大夫

刑部左侍郎姜公合葬墓誌銘

明有直諫之臣曰萊陽姜先生某以言事指權貴觸怒瀕死國亡前一月始謫戍宣州滯寓吳門以

卒終塋戍所子孫或爲宣城人或爲吳人先生生
實節實節生本仔本仔生贈榮祿公公諱某字念
劬號野鶴少受業何義門之門補金山衛學生員
歸籍萊陽食餼援貢太學與修

大清一統志成議敘得廣西太平府思州同知在
任十年徭人愛之攝思陵上思二州知州事治案
牘精勤上思某甲出賈歸爲人戕於水莫知殺者
誰也久不決公下車廉無賴乙是年自他挾千金
歸好語致之一見曰此殺人賊目動色變遂吐實
尋晉遷山西朔平府通判分治寧遠鎮如劇縣事

立辦旋以裁缺再任施南治江防有功年及格致仕歸公女弟適申氏隨夫任雲南卒公萬里歸其喪萊陽先生遺產在故里公歸族人返其田公推爲祭產蓋其細行猶急名義輕財如此公生於某年月日卒於某年月日壽八十有二 贈如子官所著有紅鷺館詩鈔六松軒制藝若干卷配 贈一品夫人畢氏浙江錢塘縣某人女生富族奩具甚豐及外家落乃悉返之故能佐公爲廉吏以某年月日卒於思州官舍距生某年月日壽六十有一時子晟方困諸生洎公卒晟官刑部郎中浸通

恩餘堂輯稿

卷二

士

顯越十有五年晟爲刑部左侍郎始陳情乞假歸
塋荷

上恩允光榮誠信備禮有加以某年月日奉公及
夫人合塋於某山首某趾某子三人長世昌先卒
次卽晟次某孫六人瑞與晟同官二十年讀明史
知公先世事屢持吳門使節褻裒二姜先生祠下
故爲之銘曰

方先生以直言繫獄夜半禁中出片紙幾死桎梏
父闔門殉難乞歸塋不得何其酷也公雖未大顯
隨地能自表襮及侍郎乃以治刑爲

聖世卿貳保世滋大蓋公慶之篤也易曰天地閉
賢人隱詩曰王國克生惟周之楨夫豈惟一家抑
時各有所屬也

帝鑒烏私

允臣牘若堂者阡後致福我作銘詞無濫厯

光祿大夫太子太傅禮部尙書曹文恪公

墓誌銘

乾隆四十九年七月朔禮部尙書新建曹公以疾
卒於位遺疏入

上軫惜

晉贈太子太傅

諭祭塋

賜諡文恪明年夏其孤師曾將奉喪歸塋於

賜塋以狀來請宅幽之銘瑞於公家三世姻串六十年公聘瑞女爲叔子婦叔子早卒女守貞迨公病篤特以禮迎女歸成其志故於其請不忍辭謹按狀公諱秀先字芝田一字冰持又字恒所號地山宋兵部尙書曹文簡公彥約之裔也由歛遷鄔之都昌十傳遷新建之蘆坑又三傳遷魯江曾祖諱建治本生曾祖諱建節祖考諱家甲康熙丁丑

進士知福建龍溪縣事多惠政祀名宦祠考諱繩
彬歲貢生候選訓導有至行學者稱爲孝永先生
三世皆以公貴 贈光祿大夫禮部尙書妣皆一
品夫人孝永先生子七人公其六也年十四補郡
庠生由選拔副榜貢生中式雍正壬子順天鄉試
舉人官內閣中書

詔舉博學鴻詞臨川李公紱以公名薦

今上乾隆元年丙辰成進士選庶吉士散館授編
修尋改浙江道監察御史轉吏科給事中厯鴻臚
光祿少卿通政參議國子祭酒擢內閣學士授工

部右侍郎充

經筵講官調戶部右侍郎吏部左右侍郎晉禮部
尚書入直 上書房 封光祿大夫公厯官最久
爲政務大體不爲苛論天下望爲鉅人長德長興
縣民控吏私增糧耗奉

命鞠治如律無枉縱天目諸山水道臨安瀝茗溪
以達太湖漲溢敗田廬災餘杭沿嘉湖兩郡公尋
奏便宜卽

勅疆吏於茗南挑上下兩湖疏濬蓄洩浙西賴之
熱河始置承德府公時扈

踴請立廟學得

旨創建

命視成復請得 武英殿書九十二種存貯尊經閣以儒臣起家屢柄文衡典山東浙江江南順天鄉試各一文武會試各一其他考校以十數得士甚盛有敷歷封疆爲國大臣者視學江蘇多拔孤寒衰耄振興郡縣書院士林頌之瑞嘗繼公視學具聞如此少受母教妣胡太夫人嘗患疽公吮瘡痛止天暎和藥需露跪達旦露盈器病立痊幼多疾病賴庶母龔攜持事如母學於伯兄茂先敬之

如嚴師其後並上疏乞

封惠族黨惟恐弗及積俸數十年以建家祠置義
田立義學

上嘉之

賜秩宗衍澤祠額魯江田千頃舊多旱澇患自公
之祖以下築洪建牖資宣節公又買雷溪鄧溪田
開溝以引吳源續建牖於茶塘而患除生平篤師
友著師席淵源考一卷爲文章原本忠孝追蹤曾
王方望溪先生屢稱之詩品在蘇黃之間所著有
賜書堂稿依光使星秋光等集敬思堂題跋移晴

堂四六若半卷書法尤高古人得片楮以爲寶求者不少吝碑版照耀海宇自刻石書課若干種公自爲翰林以文學邀

異數每

國家大慶典禮專譔述詩文賦頌以

進輒蒙

天語褒獎年近六十始躋卿貳益勤慎上封事輒焚稿奏對退不以述之子弟然同官或共以事呈吏議得

旨獨寬免蓋

上之知公深矣嘗語瑞曰自惟晚受

特達知報恩恐臣力未能知恩則夙夜弗敢忘遂
顏其所居曰知恩堂公生於康熙四十七年四月
二十三日得年七十有七配劉夫人先公三年卒
側室管氏馬氏子師曾官兵部郎中得封其母管
氏爲恭人娶吳氏次祖德次師程俱馬恭人出皆
早卒師程卽聘瑞女者女六人宋荆寶李秉禮張
曾諧劉佳琦溫之誠彭良軫其婿也銘曰

秀峰接天生靈芝毓靈匡廬昌龍溪幼耽典籍搜
經竒一目七行目生鸞帝令仙人手按治鴻文繡

虎高名基

龍飛初元鳳來儀

聖心簡爲文宗師得人報國矢勿欺

文思文治隆古稀公掌邦禮承疇咨經天緯地文
禪而在位有恪

恩心知奚不少留究厥施家國一生無一私恕德
廉儉可蔽之覆露厥裔孫謀詒旣安且吉藏於斯
千秋汗簡徵銘詩

新建曹氏管太恭人墓誌銘

太恭人姓管氏常州陽湖人父文珍爲諸生愛其

弱息生而婉慧教之以詩書俾嫻於禮稍長恒謂其動止凝靜宜婦貴家年十七時會吾新建

贈太子太傅前禮部尙書謚文恪曹公試臺職京師爲廣嗣續計遂來貳公室公母胡太夫人一見而色殊熹數語公之嫡劉夫人曰吾視若不啻宜男子且卜舉貴勿疑踰年子師曾生劉夫人倚其賢慎可督家政具以委之爰還里居侍胡太夫人而竟其養師曾迨成立間歲必一遣歸爲壽劉夫人彌篤愛之歲辛丑劉夫人疾終耗至太恭人哭盡哀命師曾奔星返謹修喪塋大事如禮文恪素

食貧由翰林入諫垣躋卿貳惟以清俸自給中間
視江蘇學三載太恭人從於官署經畫賓親之費
豐約皆中其宜厥後文恪祿入加厚太恭人能節
其餘以供文恪分贍族郇之亟蓋凡三十餘年中
文恪之得以夙夜勤宣一無顧慮者太恭人之助
爲多也師曾承母教綦嚴壯而敏達注選爲兵部
車駕司郎中太恭人時勗其練政務圖報世

恩更勉以善稟義方紹家聲勿替洎甲辰文恪偶
於退食餘閒譔其家冠山曹氏九夫人記顧語太
恭人以門內之榮拜

封之屢爲閨壺所難得亡何文恪薨於位

朝命優卹節終典滋鄭重師曾號泣請命於母而敬將之三年服除挈師曾來京再爲兵部武庫司郎中躬率子婦勤慎持家一如其舊居恒守儉樸無華靡之好恤周親之不給者則慨然無所於恡勞於內政暇輒不廢女工御臧獲慈惠有體不輕斥一過失每晨起炷香誦心經弗懈嘗謂佛在心頭能遠衆諸苦惱生平曾不一禮寺宇一面女尼鄰有不戒於火者師曾適以公事出太恭人命取先世封軸及祠產文券文恪著撰字帖以行語未

竟屋椽已燎文恪手蹟並所儲弄卷帙舉弗及取
旣移居日以是悵嘆無已或惜器飾之屬則曰未
有時當云何太恭人之遠過巾幘流輩者類如此
先後以子貴凡兩膺

覃恩封太恭人得年五十有六以乾隆五十五年
九月十七日卒於京邸內寢子一卽師曾女一適
戶部郎中新淦劉公世寧子任四川縣丞保薦知
縣佳琦孫二和業通業通業爲同祖叔父師程後
孫女一師曾將奉柩歸卜於癸丑歲冬月塋於樂
化之新阡乞銘於予予忝世交備姻誼稔太恭人

之令德多譽也不敢以不文辭系之銘曰
繁閭內之徽協雍肅也奉君子有儀厥德淑也恩
斯勤斯克長育也煒其副筭惟母之穀也銘以藏
之衍後福也

戶部山西司郎中劉君墓誌銘

公諱世寧字匡字號幹齋新淦人曾祖鎮隆祖鼎
邑庠生父學瀾康熙癸巳恩科舉人山東高密
縣知縣兩世以公貴贈如其官公以諸生中乾
隆甲子科舉人乙丑成進士初任浙江淳安縣知
縣調繁黃巖縣海疆期滿內擢工部營繕司主事

丁母憂服闋補虞衡司主事晉都水司員外郎郎
中監督寶源局管街道廳授山西道監察御史巡
西城會

上加意民事思得練習材

勅部取京職中由知縣者十四人引

見以公爲廣東惠潮嘉兵備道旋以父老終養歸
旣卒事再補惠潮嘉道大吏以不勝任告以同知
用自請改京員授吏部文選司主事晉稽勲司員
外郎戶部山西司郎中與乾隆五十年千叟宴五
十五年公年七十一乃告歸歸十年以嘉慶五年

九月二十日卒明年某月某日塋於某山首某趾
某子七人佳珩邑庠生佳琦四川達州知州加知
府銜佳璿佳琛俱太學生佳珙佳珮佳珍邑庠生
女四人孫男七人女四人曾孫男三人女三人公
令淳安縣民潘景霞妾姜氏方姓以適妬出爲錢
正公妻七月而生子九高付徐乾亨妻乳之四歲
正公無子以爲繼而遇之虐九高漸長姜氏以告
遂竄依景霞正公控以誘逃且謂所繼乃乾亨子
姜氏袒後夫詞翻異官莫能理公履任集鄉民於
城隍廟禱而瀝血先之以乾亨九高不疑繼以景

霞姜氏九高則凝事迺白及令黃巖有王世璣者
聘其姑之女符氏其母與姑聞亟悔婚姑之夫賜
履諸生也鳴之學使者以女終身不嫁立狀而罷
旣而私以字趙氏世璣鳴之公引符氏置對藏錐
自刺公私度曰終身不嫁非人情然女實屬王氏
矣自刺爲父解也令遣歸而陰命舁之王氏女固
王出也賜履以世璣奪女走告公笑曰徐之逾年
符氏生子而世璣亦爲諸生公婁任善政甚夥此
二事兩縣到今傳之高密公之舉於鄉也與先光
祿公同年公與先仲兄同爲浙江知縣又與予同

仕於朝幾二十年其歸也詩以送之有曰兩世知
交分袂遠卅年仕宦典衣歸嗚呼可以知公矣佳
琦來請銘不獲辭銘曰

氓之蚩蚩情如夢絲疇爲之父母而一不知我得
其情彼不得盡其辭胡神於治縣而詘於監司抑
大吏實尸之撮事瘞詞以爲吏師

胡文良公墓補誌

光山胡公之墓也誌有闕越二十五年其孤季堂
官江蘇以長洲彭芝庭先生舊從公游請爲誌又
二十六年猶未納諸窆蓋其慎也彭元瑞曰王文

公爲知常州李餘慶誌墓在旣葬之二十三年蘇
文忠之祖序葬以慶厯八年越熙寧元年請曾南
豐爲之誌上距葬時二十年况王止仲墓銘舉例
謂誌石狸墓前數尺固無妨幽宅也禮有改題神
主之文神主可改題誌石亦可補納也季堂曰諾
則以嘉慶二年行事按前誌公所著周易函書一
百五十八卷時初

勅徵校刊未卒事蓋公書始以授門人李學裕失
其稿公貧不能全鐫麤舉其約又歲久漫漶至是
季堂乃就公手定本鐫爲五十二卷上之今藏七

閣者是也詳見四庫全書提要後之讀公書者毋
以誌疑之公以苦心經學上承

眷知乾隆五十九年十一月十七日奉

特旨追賜易名之典內閣議上

予諡文良蓋溯公卒時六十年矣

聖情念舊下及泉壤公以正學閱久彌耀後之人
保世滋大克承榮寵皆宜書而事在前誌後按柳
河東集崔祐甫志榮澤尉周君之墓明年祐甫卒
而河東復誌其終事謂之續志敢用此例以鑲諸
石之陰

代祭錢香樹先生文

嗚呼立名在三錫福惟五古今同艷鮮克兼舉於
惟

聖治光昭千古川嶽効靈乃生申甫縉紳領袖東
南翹楚進則名臣退仍古處自初至終訖承

恩祐天亦佑之考終純嘏載籍以來繫難指數爲
企遺徽香流翰楮溯公世系武肅元孫迨明中葉
聞望尤繁少而穎異卓賦高軒能誦張篋不窺董
園帷燈夜燼汲井朝暎匪云荼苦壯志所存文史
沐浴師友淵源筆花五艷詞峽三奔壯歲來遊金

恩餘堂輯稿

卷二

三

臺木門鼎彝圖史金石璵璠蝌書鳥篆口誦手捫
恣所探索以拓籀樊屈其耆碩倒屣迎闔遂爲名
宿壇坫交尊羽翮旣成風雲則起乃捷禮闈以登
文庀金馬木天銅漏磚晷司馬長楊少陵三禮堵
牆觀書椽燭修史如彼球琳旣貢筐篚如彼駟驪
天閑旣啟西征
命將輓粟飛芻奉行郡邑或臧或脩慮有浮言煽
彼氓愚爰

詔憲臣汝往諭諸公實偕行於秦之都宣暢
德意綏慰邊隅矢誠開籲剴切紆徐父老拱聽沿

巷塞途繼而稽首北向歡呼乃採俊秀敦以詩書
乃詰奸宄吏訊不誣人謂使君仁言藹如長卿勸
諭子駿轉輸以今準古詎足多乎出衙

恩命南北掄才視學畿甸青眸屢開楚湖一泛匡
廬再來凡所拂拭鳳唼龍媒玉從闕至珠以網該
乙丑南宮旣陟總裁遂校射策讀卷金階元魁卓
犖磬璧瓊瑰今皆華要鵠立鴛排得人最多榜爲
首推十載秋官刑名之滙克慎祥刑平反情僞精
晰銖兩明燭曖昧律令格式細意融會暨諸寅曹
虛心酬對束矢以入鈞金而退自所辟纁下及笞

背罔不周詳顯微明晦如漢張于古之遺愛民亦
自言無冤可喙厥功斯懋老而退休臣有沉疴敢
乞林邱

帝曰可哉汝歸而游冀汝頤恬以安以瘳天厨酥
粥內府珍璆稜荅刀圭

賜予疊稠

詩以寵行

眷注綢繆還鄉如約有光行輶旣至里門酌兕扶
鳩旭日遲遲春風悠悠流連光景俯仰鳬鷖鳴矢詩
旣多以獻螭頭

宸章廣和玉版銀鈎連篇累牘步置馬郵

君臣贈答乃如應求二十三年千首酢酬猗歟休哉

明良之庥南巡迎

駕祇候河濱惟公及沈白髮朱輪

上顧而喜亦仙亦臣食俸加銜

寵命旣勤家居之渥則如朝紳仍予

恩廕趾角振振自沈旣沒惟公一人少微熠燿太

嶽嶙峋旣逢

慶典來祝

楓宸

賜馬以朝子掖其身人咸榮之如瞻鳳麟初公授
經自其太母夜紡有圖紀以樂府

上爲賜題安貧忘苦俾其孝慈永傳千古繼而長
嗣克繩厥武勲業名位畧與公伍

上復爲圖橋仰梓俯佳氣蓂蓂新枝楚楚一門三
世

宸翰所譜裕後光前世莫之侶生平淵博書無不
窺兩漢六朝文章陸離錦心繡口於詩尤奇竟以
雅頌上邀

主知臨池命管匪繇則義折釵屋漏針懸露垂乃
復粲粲望若珠璣洵有多才無所不宜耄而好學
口吟手披則惟抑誦衛武之遺更十二年當踐期
頤胡謝賓客遽登尾箕往叔文定秉節直隸時公
眎學相投最契予時從旁獲親光霽猥辱許可提
攜論議老成提命蓋嘗紳誌比公予告旣疎杖几
乃奉音書訊其福履公每酬答殷拳未已嘗歎前
輩古道如此前歲都門祝

釐介祉再覩鬚眉益爲欣喜予執恂恂公情亶亶
慰勞間澗從容笑語鶴髮皤皤鮐文齒齒謂將百

年長承

恩視乃今聞訃而公逝矣嗚呼公之孝友旣著家
邦順於萱幃以推棣棠公之言行金錫圭璋孚旣
盈缶謙亦流光公之與人忠信溫良窮通一致城
府雙忘公之慈惠撫育周詳翼彼羖子俾以翱翔
凡茲嘉懿史冊攸芳猶有椽筆匪罄揄揚抑予有
言儼人自古昔在虞廷皋陶斯舉爲舜祥刑協中
佐主乃賡載歌言詩之祖厥子伯益偕稷契禹父
子同朝有臣而五公眞其倫匪予私語靈光炯然
茹我椒醕尙饗

代祭裴大司空文

嗚呼八柱擎天四維持地垣拱六階歲成五氣
聖主賢臣相遭匪易惟茲英俊乃神駕馭鴻毛風
輕巨魚壑逝匪躬百年爰首三事冊府文垂太常
績紀歿如尙存生兮有自蔚矣司空南國是式表
溯世系有宋司直黃門積慶烏衣相宅實篤偉人
爲楨王國福貽植槐教源畫荻十行俱下三篋皆
識丹篆吞餘彩毫夢得

初元文治出應昌期奮起諸生博學鴻詞年踰弱
冠徵赴京師名墮入洛采振漸達桂林杏苑玉堂

赤墀三館高才下拜一時長楊奏賦蓮炬賡詩遂
以文章受

特達知簪毫珥筆倬直

禁林五雲深處

朶殿深沉構寮筆法碧雲長吟褒詞和句每聞

玉音出持玉尺水鏡冰心漢江一泛吳越再臨南
宮畫省羣才酌斟爲時文臣衆望攸欽晉陟卿貳
廿有三年始從中樞再佐銓垣度支繁劇京兆嚴
專中間歟歷斯最久焉暫司邦憲終掌冬官六曹
皆徧才大無難清通簡要寬厚寅虔奮厥經濟爲

時良臣內參密勿外秉節符遠巡亭障劇算儲需
汝泗淮汴汶濟沁滹黃河中貫津海東趨羅掌中
紋摘領下鬚屢奉

指使治彼沮洳剔鬢髮焚樵恬輦無虞爲時能臣倚
毗訐謨孝友之行由家達邦十齡失怙克遂顯揚
奉太夫人念憂北堂

聖主錫類母德以光

御書雙懸雲漢爲章曾讀誌文如表瀧岡濟濟
弟寶桂馬常老而彌篤友愛不忘言行之軌坊表
所屬樂易溫良光明渾穆世事弛張天道倚伏匪

曰清言人胥以淑退食歸遲清樽椽燭賦詩敲棋
蕭然絕俗丰骨珊珊精神煜煜落月屋梁今猶在
目朋友之誼古人所少交滿天下言無失口內自
朝宁外踰邊徼握手相親情懷傾倒一日弗渝十
年可表煖不條增寒非葉槁待下以慈與人無矯
走卒兒童姓名共曉憶與予家實維世交昔先文
定鑑別匪淆謂後來人公爲卓超予齒視公兄弟
匪遙中外出處匪夕伊朝溯從丁丑東南水驕予
撫皖軍公馳使輶與公周旋始締漆膠同履銀濤
周視金隄河干風雨寓舍輪蹄情無齟齬議絕離

睽同事九人如星聚奎望山榕門二相名齊張胡
白夢存者惟嵇暨予兩人鴻瓜雪泥十七年中不
忍重題邇經離合歲序其除人來問訊月奉音書
前年於役連轡以趨曉月盧溝寒冰直沾白首相
親更勝於初別路不遠一載有餘方謂與公百歲
相於詎知老淚頓灑黃壚始聞公疾猶謂偶然繼
而聞劇則愕以歎晉階

遺視

賜以詩篇俄聞邱音遺疏在焉飾終備典易名表
賢

恩禮眷悼終始克全公誠無媿被此駢蕃班聯悵
失海宇哀傳嗚呼曩者河壩逢公莫逆今迎公舟
公靈脉脉人世交遊都成陳跡公屢喪子西河痛
劇總帷之旁藐然七尺莫觴陳詞九京不隔西州
舊門山陽夜笛旣哀予私爲朝廷惜尙饗

祭九姊文

嗚呼雲飛吳岫月朗燕山宦遊兩地夢想鄉關萱
何爲而委露竹有恨而成斑嗟女嬃之不見忽回
首而淚潛羈官守而不克奠徒悵望於西山南浦
之間維我姊氏幼鳴璫瑀長襲蓀荃其毓於閨也

已詩禮之夙嫻其作嬪於朱氏也亦壺範之克全
于歸以後嘖嘖稱賢然而摒擋井臼晨夕維艱蓋
藍浦姊丈雖承觀察公之餘蔭而清芬世德宦橐
蕭然一官以外無長物未免擁書城而耨硯田維
吾姊之一身上以奉觀察公之色養作羹洗手於
堂前中以代夫子之兼綜內政俾楚游蜀游之汗
漫而不以家計牽下以督諸子之課青燈熒熒夜
以繼日而各守乎一編凡一門之所倚賴隱有承
先起後之責而非第蘋蘩纂組之可告無愆迨乎
婦職既畢妻道克完全乎爲母望子益堅方幸諸

子見頭角豐羽翰或餽於庠或貢於學各向雲路
而高騫大之可以望鴈塔步花輶次亦將營升斗
以養如歐陽詹之舍其親而入長安胡爲乎子欲
養而親不待天竟不假之以年又况週甲設悅方
佇夏以承歡乃圃有桃而歲已熟潭雖菊而齡不
延曾不能少須九十餘日以舉壽觴而娛慈顏豈
去來之無我歟抑修短之皆天余方視學江左長
男翼蒙實爲姊婿復供職京邸俱不得助執紼而
佐肆筵回憶丙申之夏奉諱言旋豈意半載之聚
便隔重泉翼蒙亦以丁酉秋試暫奉笑言老人期

望何限拳拳嗣以登第之後挈家北上致母女之
不得一訣而私恨綿綿有酒載酌有淚成川因風
致語靈其格焉尙饗

祭靖江縣溺死新秀才文

焚給衣頂讀文以告故新進儒童

陳兆鵬
朱至

之靈曰

魂兮有知罹此慘毒功名發軔悲喜轉轂先笑後
咷云胡其速曾不崇朝而塋魚腹試而過歸旅食
無資聞捷而來又恐後期寒士之苦進退匪宜嗟
嗟命薄而至於斯抱槩入試亦已有年一日見知
無憾重泉及汝顛覆悔絕心肝不如被黜猶留其

身矧復喪汝骨肉之生父攜厥子弟隨厥兄一門
併命赴此微名嗚呼痛哉疇重疇輕同舟之人泉
彼舟子汝亟於行衆莫能止顛風斷渡五生十死
彼皆夙因非汝所使再試之期況非促逼胡不少
延命也何極予揣汝心能無惋惻忍以一衿陷諸
七尺生弗能服歿被汝躬慰汝幽魂其無怨恫攜
手偕行雲散江空文章何處對哭秋風尙饗

追薦諸母繆太孺人疏

伏以

佛眼垂慈照冥途之寶筏

天心憐節報苦志於柏舟惟鞠育顧復之恩同子
無常母乃南北東西之路隔兒作遊人遙寄哀悰
仰飯妙諦痛念吾母青年蓼室白首花輿溯閭申
江實文貞之末裔加笄午歲侍宮贊於暮齡側荔
本柔奉女君而能順連枝並茂偕我母以同歸舉
丈夫子者連三人稱未亡人於廿四歲心清似雪
室冷於冰田舍有無宦乏多餘之物鄉城轉徙家
原未定之方當兩兄宦學之不家僅諸幼瞻依之
有母奉旨甘於嫡室子養代申撫髻鬣之女孤親
生更篤延師留友饒斷機截髫之餘風嫁女婚男

幾手拮口瘡於未雨猶憶三更罷讀撫女指予惟
看兩母相依形親影弔泊諸子稍成其頭角已半
生交瘁其形神兄方從宦而違親弟亦驅飢而作
客老猶荼苦報匪莪劬逮毛生捧檄之方成乃潘
令御輿之始遂治書夜分述崇國公燈下之言問
獄朝來加雋不疑堂前之飯回思負米喜千鍾之
養逮存偶報厭餐遂五斗之腰不折一封

花誥家慶

國恩七秩萱開顏和觴舉人方榮其暮齒天不永
以高年涕欲雪以空凝悲當風之不靜親依從母

情並藐孤哀三生爲孤露之身幸一老尙形容之
在丙年朔雪子舍齊雲慰違養於廿年幸承歡者
十日別離語苦有老不復見之思顛倒函開深言
猶在耳之慟從今父母更無行輩之存回顧兒孫
尙荷提攜之及并乏撫棺之哭宦海千重若抒銜
紙之哀恒河萬劫心傷一寸之草頂禮丈六之容
伏願

妙鬘雲開

寶華雨散諸天以上定歸節烈之魂千佛有緣能
鑒羈孤之痛上升極樂仰報

大慈

仲兄安廬先生哀辭

國家丕冒土宇臣妾四瀛小金川逆酋僧格桑與
金川逆酋索諾木狼狽相依自作弗靖俶擾其鄰
干我王紀屢諭弗悛

上不得已而用兵以綏靖西陲旣傾厥巢僧格桑
駭走禽其惡本移師申討金川僧格桑殘魂滋擾
鼠伏猗哭大軍不戒我仲兄安廬先生以守糧遂
及於難先生諱元璋字守樸號安廬爲先贊善公
次子母顧太淑人以康熙五十二年五月十七日

生於京邸幼穎敏負異不馴師臨江楊念莪先生
嚴甚夏楚無虛日以是折節讀書年十七雍正己
酉科中式舉人六上春官不第乾隆辛未由舉人
守部揀發浙江大吏一見奇之五日卽檄理蘭谿
災賑徧走鄉塢無漏丁脫戶厯署金華蘭谿青田
知縣題授雲和縣雲和故簡僻地府縣事之不理
者常以移訊期年乃以能調繁會稽地劇民好訟
理以勤清旦坐堂皇候質者恒數十百人必夜分
始罷無留牘縣舊肩鹽坐鹽分地而食犬牙相錯
之鄉瓜疇芋區一不當卽蹈私販罪力請弛其禁

民咸便之勝於堂曰飲水思源葺念臺先生古小學教縣之子弟有殺人獄衆咸指一人案無實証與大吏撐距幾失官歲大水奉

恩賑盡心區畫如蘭谿嘗曰吾無能及古循吏若詞訟災賑有纖豪私卽不齒人類矣修三江牯海塘數千丈以捍災官會稽十有二年委巷瑣屑家人婦子之事靡不洞悉投訟牒者納糧者見可名而諱也曰官名知縣一縣之事孰不當知者己卯以治行異等卓異加一級乙酉遷杭州府西海防同知僅十月朝汐衰王盲風疾雨未嘗不步行露

立海上也丙戌論前任會稽代府讞諸暨縣侵糧
事不得實劾罷庚寅三月

鑾輿巡幸天津進淀水紀畧一書

賜幣八月

恩給降二等職銜辛卯十一月

恩復原銜旣感激

恩遇方圖報稱不以衰故自弛乃降原官一級援
復知州候銓時小金川已掃穴矣上念軍事將竣
地方需才

命選員往四川引

見蒙

錄用四月初十日抵成都越五日起軍營奉檄守糧於布朗郭宗乃僧格桑竄後鳩其醜類襲我木果木軍營布朗郭宗一時俱陷嗚呼痛哉時乾隆三十八年六月初四日也副將軍具被難諸臣姓名以

聞

上軫悼死王事者

命照陣亡例議恤禮臣題請

賜祭一次給全葬入祀昭忠祠惟先臣以來祖孫

父子世受

國恩官中外者十餘人不能致涓埃報而小臣外吏一旦沒所事重荷

慈憐飾終備典一門之內且感且泣至先生生平踐履誦法宋儒出爲清白吏終以職守所在致命遂志夫復何憾獨是手足之誼至性攸存元瑞後先生十有九年生少無知識稍長而先生宦學在外丙戌以後來居京邸計一生兄弟相依此六年中爲最久洎辛卯秋銜

命南行雨中拜別不謂兩載於茲遂成永訣先生

既慘罹鋒刃路遠天長殘骸零落歸於無何有之
鄉廉吏不可爲先人田廬貧不能保寡婦弱子饑
粥無以自給行年六十尙未抱孫長者猶苦童騃
幼者何以成立以似以續以養以教後死者之責
彌重執筆怛喪言詞與肝腸俱絕爲狀爲表具在
於斯乃倣古招魂之詞作哀辭曰

魂兮歸來布朗郭宗不可以久居些
貳猶狂狂穴中突些
青燐陰熒頰且聞些
國殤夜諱各尋其白骨些
蠶叢西望邈紆鬱些
一去不返路難識些
魂兮歸來戀所職些
糗芻如山以爲賊食些
陰風怒

號恨填臆些桓桓將軍下逮走卒些靈旗往來弗
相失些厲鬼有靈可以殺賊些魂兮歸來脫兵革
些一介書生辱七尺些或死於礮或鋒鏑些短兵
強箭長矛大戟些路三千里不知死法些如手如
足痛在我骨些魂兮歸來歸故鄉些入塞以東灤
潁瞿塘些漢入大江達潯陽些先人敝廬倚澹岡
些父母未塋藉溪之旁些魂兮歸來相從以徜徉
些魂兮歸來視孤子些先人百畝無寸土些兒貧
鬻鼻足不履些幼者九歲安知悲喜些婉婉孫女
將嬪於人些魂兮有知慟入黃泉些魂兮歸來憶

諸弟些同懷八人三歿於地些存者四方魂徬徨
無所就些中年哀樂皆白首些不知別苦安知面
難些不如路人無摧心肝些魂兮歸來受

國恩些

天語悼卹不遺一人些茫茫幽壤迴陽春些桂醕
椒漿酌九泉些翦紙招衣七尺墳些鬼哭且拜草
土亡臣些魂兮歸來無憤悼些

王旅嘽嘽士馬騰飽些沸鼎游魚無久騰踔些繫
彼逋逃俘於

廟些腰飲齊斧爲諸死者報些計日凱歌家祭以

告些

諭生童默經告示

照得學先崇正業在傳經理求析夫精微功莫先
於訓詁經籍始出乃置寫官帖括名科蓋先墨義
勒之學校聿傳三體碑摹審厥形聲粵正五經文
字三篋罔失自前史以爲難七穆未知或通人所
不免際經學

昌明之會當士風文秀之區宜立課程用彰志業
生童等越從束髮卽受諸經逮至決科各占一藝
固宜講明素裕誦習維勤挾策以求荷鋤而帶肆

爬梳於衆說若網在綱定黑白之一尊以肉貫弗
必有淹通之彥蔚爲黌序之英顧義旨則更僕難
終而句讀卽末師可守與其汨講章墨卷之學冊
誚免園曷若尋六經三傳之源功深蠹簡果能背
誦自可手書使者樂與生徒共相砥礪是用遠循
學童試字之例近仿武生默書之條定默經爲一
場與考古而並重生童等各宜豫爲勤力各赴該
學報名聽候按臨示期考試或擅一經或該羣籍
或遵

欽定傳說之纂或備諸家注疏之文統以三千字

以上爲率果能一字不遺累牘都盡使者定加甄拔以爲稽古之榮嘉與品題較勝工文之士各宜自奮用副厚期

嚴諭息奸告示

照得本院視學茲土受事以來結念飲冰清心誓水上期恪遵乎

功令下無抱愧平生童內爲身家自重之謀俯思子孫讀書之報試經四郡時厯半年不少變其初心敢自違乎前諭茲當按試臨及維揚惟斯地水陸之衝實遊人輻輳之所人心浮動風會誇張萍

踪未易以根尋莠行或滋其萌動若匪再三之告
恐有萬一之虞本院守已謹嚴受

恩深重鬱一卷詩書之氣枉卅年宦學之功自廢
前途深貽內疚乃至愚所不出此諒其聞皆可信
之所患奸詭譖藏譎張巧伏誣稱交舊幻指姻親
揣其欺詐之言剖厥隱微之計捏云內幕別有私
人線索可以暗通鬼魅不愁形現試思誰操繩尺
獨具權衡旣非不能校閱之人更無自吝精神之
病授人以柄寧所肯爲愚我於昏詎能樂受况本
院所延諸友皆取同心或連肺腑之親或溯淵源

之舊不由薦剡爲道聽塗說之交各有身名寧日
暮途窮之輩而且私客非公同不得會家函必關
白乃許投最重關防何從通問凡侈言之確鑿皆
撮影於虛無倘受其欺同歸於禍諒爲明理之士
百端可類而推奈何作奸之人一往不顧其後此
或羈窮無賴僥倖可圖始爲體面之誇繼行嘗試
之術不論成否終陷科條罪豈止於杖笞人各有
其身命本院一身無玷半面未謀豈肯爲人覆藏
貽已殃咎卽或稍有葭莩之誼不無邂逅之緣愈
宜歛跡自安引嫌知避途中屬目便已留心紙上

生毛決難會面雖平居不待人以刻薄至有事須防已之株連既不恤我之身家安能徇人之情面亦報施之應爾卽浮議所不辭法如山而敢或移心匪石而不可轉患由自作悔莫能追本院瀝膽披肝窮形盡相言之剴切意本肫誠果其事絕非虞人知自愛不敢傷於士氣乃適合乎婆心咸識凜遵庶保安靜除行提調官嚴密查拏外爲此再行出示曉諭各免貽悔慎之毋忽

爲奸徒之掉騙已敗士習之趨嚮宜端重
申切諭毋墮詭局毋扞法紀事

照得本院兩載丹黃一心清白時盟夙夜旦誓朋
徒持衡者不貪子孫孽報之錢分聞者弗爲駟僮
市交之行互相警察共矢端嚴屢文告面諭之維
勤肯行濁言清而自玷方謂青天白日可以衆知
不意蒙面喪心有非人類如通州廩生保玉可童
生孫贊廷聽信奸徒余其瓊余其璜兄弟營求入
學被騙掉包等事本院時勤伺察確有見聞密札
淮揚二府分頭拏獲究出前情具摺奏

聞奉到

硃批好知道了欽此現已移咨督撫按律嚴懲以

滅奸頑以彰憲典用是憤茲已事儆汝將來在作
奸犯科之徒特假言以杜告發之路乃忘身徇名
之輩竟甘心而受局騙之愚信彼虛詞賈人實禍
卒之予受同罪名利兩空悔已莫噬夫臍恨何足
食其月試思諸人刑獄之苦由希一時頂帶之榮
彼小人已更無足言爾多士當引爲己耻此邦文
學之地吾黨方正之操佳士必憤以同仇中流可
惕而生悔本院奉行

國法殫極臣心不徒托諸空言現已見之行事使
其萬分偶眚斷不敢執三尺以行如或一念有私

誓當倍償四人之罪以茲告口各發信心寧保無
售奸之徒欲行其術所恃有明理之士不受其欺
明鏡難逃覆車可畏勿以功名爲念先思君子懷
刑何嘗僥倖可圖僅效小人行險身家自重性命
匪輕信讀書者無俟乎再三各能愛鼎冀作孽者
知悔於萬一庶可革心除行提調官嚴密巡查凡
遇踪跡疑似語言妄誕之人立挈重究外爲此出
示曉諭生童等各宜安分自愛毋負本院屢加誨
諭力爲整頓之苦心不致懜受欺騙甘蹈刑章庶
使士習克端賢關大啟士子奮多才以副

盛典使者藉得人以報

國恩共有光榮交相慶幸本院有厚望焉特示

諭錄科諸生告示

照得科舉一途得失頗重不惟功名所係亦且顏面攸關本院奮跡孤寒出身庠序凡多士寸衷之艱苦皆使者五內所徬徨俯悉情懷正加勸戒各宜靜聽以待徵收生等勵志芸窗希心桂籍或貧而假館遠道盈千或老且觀場背城借一少年英俊父兄之督責維嚴壯歲飛騰妻孥之屬望尤切窮無資斧或持券以告人家有親朋競攜壺而出

祖安排笑口八月花開檢點文心三更草就得固
快三秋之意失亦奏一日之長皆期虎榜之先登
豈料龍門之難上乃或三場點冊無我除書千佛
名經看人入道馬蹄疾走去望逢年鳥羽倦還來
當傍夜辛勤幾載并無紅勒帛之文冷落來年難
望絳紗幃之席固宜三條官燭未難而淚已難乾
一著麻衣得侍而墨真甘飲也無如人數已定成
例難違在

國家慎重之心原恐珠因目混而文章別擇之道
不啻金向沙披至慎至公無私無屈悉心校閱極

意搜羅卽寸晷或有短長豈兩番盡成錯選潛心
體驗反已內求如其文理明通決無見落卽或名
場蹭蹬尙俟將來借此案爲箴規驚心落紙佇來
科之奮發轉瞬簪花聽諸運數之適然貴乎義命
以自處同然落解不過先一月之期強欲求名枉
多受三場之苦所慮者宵人詭托捷徑勾通如鬼
難知益神其說本院三載持衡一生凜節瓜期將
代豈末路之或渝萃宴重開尙初心之不負澄清
自矢耳目甚周尙不聽先事之言無難執近行之
例生等參通事理立定心腸微特不受其欺兼可

直窮其詐如遇踪跡秘密言語浮游卽係奸徒立
行稟首果經投案便許入場至或傾耳鹿鳴抱頭
鼠竄犯鞅叩馬臥轍攀轅生毛之名紙難通持面
以向人何益痴心未絕將謂披籍以求定額已符
必難每人而悅枉作招搖街市竦誚攢譏徒爲塗
炭衣冠低頭下氣作文之高興已敗讀書之眞品
何存本院未曾入闈先行鎖院關節不到投遞無
門汝等守分安心順時植品受福莫先於避禍遠
辱正所以求榮才果有遺其責在使者科偶不舉
何損乎諸生六千人尙外孫山八十卷安奪趙幟

秋風徹骨不登榜上之名明月滿船便泛江頭之棹更望求藏修之益庶幾合進退之宜誨爾詞窮望人心切在多士披懷欲訴既已周知豈本院結願難酬不能仰體總之額在

功令文有定評學驗淺深命司得失毋聽人而賈禍勿喪己以梯榮共效藏珠各知愛鼎使者卽行愁坐歎無可奈何諸生若暗托明求不如其已共敦士氣莫負婆心各宜凜遵慎之勿怠

諭錄遺諸生告示

照得賓興乃

國家大典攸關科舉爲士子發軔伊始本院凜遵成憲務拔真才欲絕僥倖之心先嚴干求之禁查江蘇省額中舉人六十九名副榜十三名例應取錄科舉六千四十名此乃令甲惟嚴烏庸以意爲多寡凡屬觀光有志祇宜自求之詩書理本易明心應內照如其功名有分幾見場外之舉人卽一科舉尙難安望闈中之入彀顧或設心覬覦謬計鑽營或假請託於鄉紳或藉吹噓於過客或求教官之力薦或賄書吏以乞恩至於不錄遺才臨當入試向本院處攔輿呈請於各衙門具稟邀求過

市招搖爲臥轍攀轅之舉望風匍匐貽青衿席帽
之差似此莠才安希桂籍本院悉心校閱矢志澄
清固不使有屈抑之才尤顧得者廉恥之士凡遊
黌序盡入栽培無如人多妄心例有定數苟淺學
以詭塗而獲取必高才以溢額而見遺是本院偶
涉於私在諸生亦何所利至貢監生等旣經入試
自必憑文一視同仁原無分於棄取三篇得意更
何事於營求惡習相沿謂此事無關輕重

王章具在偶不謹卽陷科條敢不肅清能無凜畏
本院今與諸生約就試者以義命自處持衡者以

公慎爲懷各守本心交全顏面苟或明求暗託自
甘爲捷徑之行但經見面聞名斷無復入閨之望
毋貽後悔不食前言爲此出示曉諭各宜凜遵特
示